



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniae Agrippinae, 1712**

Q. 271. Quid agendum sit Confessario hominis ebriosi, vel habentis ebriosam uxore[m].

**urn:nbn:de:hbz:466:1-42433**

1848. §. 8. Si existens in scalis adhuc confiteri velit, si prius jam confessus est, & Judex difficultat concederet descensum, moneat de dolore eliciendo, & ibi absolvat: si autem ex pertinacia antea non fuit confessus, rogandus Judex, ut permittat descendere.
1849. §. 9. Si per testimonia plenè convictus, neget crimen, *Suar. & Sanch. nolunt, Hurt. & Perrel. volunt absolvi: Avers. l. 1. rectè dicit, si factem dubiè præsumi possit non fecisse, absolvendum, quia hic potius credendum Reo: si autem ipsemet Confessario sit factus, non esse absolvendum, nisi velit etiam in judicio fateri, quia ad hoc tenetur.*
1850. §. 10. Nec ante nec post supplicium quidquam dicat contra Judices, sed solos privatim admoneat, si opus, debet enim stare pro auctoritate Judicium ne Reos concitet, & sic mortem impatientius admittant. Plura videri possunt apud *Lohner De conversatione Apostolica p. 1. c. 5. Voglerum Trostbronn l. 7. c. 2. 3. 4. Polani in Methodo adjuvandi moribundos c. 18.*
1851. Q. 271. *Quid agendum sit Confessario hominis ebrii, vel habentis ebriosam uxorem. Bl. §. 1. Ebriosus obligandus est ad declinandas occasiones bibendi, vel ad bibendum non plus, quam sciat per experientiam se posse portare. Si monitus non faciat, in pœnam injungenda abstinencia à potu inebriante diebus illis, quibus prævidetur futura occasio. Si bibere debet, quòd cogatur prandere vel agere cum aliis bibentibus, nec omnino possit nequidè per fraudem declinare haustum, suggerenda sunt præservativa & naturalia remedia pro cavenda ebrietate, qualia colligit Gob. in Quint. 5. c. 5. l. 1. & 2.*



1. & 2. Peccat tamen venialiter, qui talibus præservativis utitur sine justa causa, & tantum ideo, ut ultra debitum possit bibere, hæc enim est intemperantia, & per tales potationes valetudo frangitur.

§. 2. Ut possit se excusare & paulatim appetitum inordinatum corrigere, voveat per aliquod tempus abstinere à vino, vel non adire tabernam, aut saltem voveat non bibere ultra id, quod scit se ferre posse sine periculo ebrietatis. Quod si voveat omnino abstinere à vino, votum non debet esse ad longum tempus, nequidem ad mensem integrum, tum quia hoc erit ipsi nimis difficile, ideoque vix observabit, tum etiam quia post hepar accensum & assuetum stomachum, si nimis subitus & violentus sit transitus ab extremo ad extremum, patietur valetudo, unde consultius erit obligare, ut paulatim sibi subtrahat aliquid, donec periculum inebriandi evaserit.

§. 3. *Matthias Faber Conc. 5. Domin. 16. 1853.* post Pentec. dat ebriosis supra 5. digitos consideranda hæc quinque puncta. *Quid fecisti? quantum perdidisti? qualis per ebrietatem evasisti? Quæ supplicia meruisti? Quid jam toties promisisti?* Etiam prodest injungere illi, ut à Confessione domum reversus dicat uxori, si hæc sobria sit & prudens; video, quanta mala mihi, tibi, proli- bus, rei familiari afferat mea damnata ebrietas, planè constitui cum bono Deo vitam sobriam instituire, & quia nosti tempus atque occasiones, quibus soleo in eam miseriam prolabi, quoties videbis periculum adesse, mone me, impediam invitum, & postea agnoscam te bene egisse, sic enim volo fieri. Plura suggerit *Gob. 1. 3.*

§. 4.



1854. §. 4. Si vir apud Confessarium conqueratur de uxore ebriosa, quærendum, an non ipse met sit ebriosus: si affirmet, dicendum, ut corrigat se primum, quia ebriosus frustra sobrietatem requirit in alio. Si neget, suadendum, ut uxori ad mensam concedat, quantum similitudinis conditionis mulieribus concedi solet, aut etiam aliquantò plùs. Si sic nil proficiat, utatur rationibus accommodatis ad persuadendù, ut abstineat, etiam aliorum auctoritatem interponat. Si neque hæc juvent, minetur verbera addi: *Gob.* ut etiam dec, ubi opus, in tali enim casu dicit licitum esse verberare uxorem, etiam si sentiat ad plures dies, sed de hoc dixi. l. p. 1. n. 734. Per experientiam alicuius poenitentis scio, quòd exemplum viri sobrii, patientia & moderata ejusdem admonitio plùs potuerint, quàm verbera vel rixa.
1855. §. 5. Sive vir sive mulier in ebrietate tumultuetur, alter, qui sobrius est, non objurget vel obstrepat eo tempore, sed patienter sileat, alioquin malum magis exasperat. Cogitet prudens fuisse illud *Recipe Medici*, datum mulieri, ut quamdiu ebrius maritus tumultuaretur, ipsi de aqua, quam in phiala dabat (erat autem naturalis) partem aliquam ore clauso retineret. Simile fuit factum chirurgi, qui vocatus ad curanda vulnera à marito inflictæ uxori, primum emplastrum applicare voluit ori mulieris, dicens hoc vulnus & foramen esse ante omnia sanandum.
1856. Q. 272. Quid observandum sit circa hominem convertendum vel conversam ad fidem. Bz. §. 1. Alii qui acatholici sunt pertinaces, & cum his vix quidquam utiliter agitur; unde consultissimum est